



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

ივანოვი ვიქტორ ვლადიმერის ძე



ვ. იანოვი

ივანოვი ვიქტორ ვლადიმერის ძე (დ. 19. V. 1948, თბილისი), ფიზიკოსი. ფიზიკა-მათ. მეცნ. დოქტორი (1994), პროფესორი (2004). 1971 დაამთავრა თსუ-ის ფიზ. ფაკ-ტი. 1971-იდან მუშაობს ბირთვული გამოკვლევების გაერთიანებულ ინ-ტში (JINR, დუბნა, რუსეთი) სხვადასხვა თანამდებობაზე. 2003-13 იყო JINR ინფორმაციული ტექნოლოგიების ლაბორ. (LIT JINR) დირექტორი, 2013-იდან არის ამავე ლაბორ. მთ. მეცნიერი თანამშრომელი და სექტორის ხელმძღვანელი.

ი-ის სამეცნ. კვლევის სფეროა ექსპერ. შედეგების ავტომატიზებული დამუშავებისა და ანალიზის მეთოდები, მათ. სტატისტიკა, მაღალი ენერგიების ფიზიკა, რთული სისტემების მოდელირება და ანალიზი. მონაწილეობს მრავალი საერთაშ. სამეცნ. პროექტის შესრულებაში. 1995-2002 იყო ფიზ. და ქიმიის სოლვეის საერთაშ. ინ-ტის (ბრიუსელი, ბელგია) წევრი. გამოქვეყნებული აქვს რამდენიმე ასეული სამეცნ. ნაშრომი. არის სამეცნ. ჟურნ. „Particles and Nuclei. Letters“-ის რედაქციის წევრი. 2009-იდან ნაციონალური კვლევითი ბირთვული უნ-ტის «МИФИ»-ის პროფესორია.

სამეცნ. შრომების ციკლებისათვის მიღებული აქვს JINR-ის I (1998, 2005) და II (2002) პრემიები და სახელმწ. ჯილდოები.
